

益

齋

集

附拾遺
墓誌

二





益 齋 集

附拾遺 墓誌

(二)

李 齊 賢 撰

王雲五主編
叢書集成初編

益齋集
附拾遺墓誌
二冊

中華民國二十五年十二月初版

撰者 李齊賢

發行人 王雲五
上海河南路

印刷所 商務印書館
上海河南路

發行所 商務印書館
上海及各埠

章

謝聖旨表明陵代

起居

垂髫北上。三年別荷於眷憐。銘骨東歸。一日何忘於請祝。

謝表

諄諄之命。用示恩威。眇眇之資。徒增感愧。云云。在衡若舜。施罟如湯。克類克明。參兩儀而立極。以寬以簡。一四海之歸心。臣猥將總角之年。親奉垂衣之化。顧遭家之不幸。恐無地以自安。特降鳳綸。委以藩宣之寄。載馳龍節。申其策勵之辭。豈惟臣庶之舉欣。實是宗祧之攸賴。茲蓋義敦柔遠。仁撫恤孤。念齊桓尊王之功。欲存後裔。使蔡仲繼父之業。以蓋前愆。臣敢不當夙夜以欽遵。庶生成之永賴。

謝御衣酒表

起居

父臨普率。恩偏濱海之封。嬰慕寬仁。心切後天之祝。

謝表

皇華傳命。示寵賚之非常。弱質踰涯。抱感情之罔極。欽惟率先惟孝。字小以仁。記勤王於聖武之朝。惠鮮

遠俗念尙主於世皇之日保祐孱孫特宣密勿之言兼致殊尤之錫仙壺九釀濃含雨露之香宮錦一封爛吐雲霞之彩浹洽自天之澤懽呼滿國之榮臣敢不每思醢骨之恩庶盡糜軀之效

乞比色目表

起居

比一國於萬邦僅同黑誌祈億齡於九閼別有丹誠

請表

天必聽卑曲從人欲事難泥古斷在帝心輒露愚衷敢塵睿鑒云云能哲而惠自誠而明遵列祖之憲章簡臨寬御曉多方於品制邇肅遠安已推彰信之仁又篤念功之義顧惟弊邑服我大邦敵愾攻遼助聖武東征之旅觀光過汴迎世皇北上之師遂蒙釐降之榮獲守藩宣之寄泊子孫而相繼講甥舅之至懽及際休明益深緣幸元良載誕允孚四海之情寡昧自矜私謂三韓之福因念曾忝聯芳於玉葉更逢毓慶於璿源既然得附於本支何乃未同於色目肆歷由中之懇佇需無外之恩伏望賜以俞音順其景慕臣謹當感聖化於桑域庶臻魯一變之期湊忠誠於藥宸永貢嵩三呼之祝

陳情表

起居

若東海百川之赴孰敢後於朝宗效南山萬壽之呼臣獨先於請祝

陳情云云。欽觀至正五年月日。頒降詔書條畫內一款。今後漢人高麗人南人等投充糊薛者。並在此限。伏讀已還。倬惶隕越。不能自已。仰黷天聽者。

天地無私。順物情而並育。帝王有作。觀民志以必從。敢進瞽言。佇回聰聽。云云。能哲而惠。所存者神。巍乎有功。煥乎有文。尚敦恭儉。道之以德。齊之以禮。坐致雍熙。伏念自聖朝奮義而肇基。惟小國向風而先服。助威討賊。遏遼民狼顧之謀。冒險迎師。贊世祖龍興之業。由是講甥舅之親。而委以保釐之位。徵子弟之質。而備於宿衛之行。坐得次於雄吉刺台。飲亦參於閣于也。速。況今坤元配德。豈惟萬國之榮觀。震索儲祥。偏是三韓之慶賴。故以愚衷而自揆。與諸異姓而不倫。伏望勿遺既往之忠勤。亦念難遭之緣幸。俾同世戚。免貽沙汰之嫌。益戴皇恩。庶盡粉糜之效。

爲公主乞賜稱號陳情表今代

起居

守封青社。阻承晉接之日三。貢祝丹霄。常效嵩呼之歲萬。

陳情表

嬰孩強聒。專憑慈父之憐。后帝亶聰。曲徇愚民之欲。冀紆睿鑒。優納懇言。云云。自誠而明。慮善以動。任賢勿貳。開慶會於千年。立愛惟親。得懽心於四海。願將庸品。端幸昌辰。苟陳有切之懷。豈阻必卑之聽。尚王姬而作配。不爲榮乎。令國俗以斥名。非所宜也。因念臣之曾王父忠烈王。諱尙忽篤。勸諱。長公主之稱。臣之王父忠宣王。諱尙寶塔室。憐。公主受韓國大

國長公者屬在金枝之譜。意存彤管之規。若蒙陛下矜其來處於遠方。許以追遵於舊例。疏恩九闕。俾穠李以增華。感德三韓。指大椿而獻壽。

謝銀字圓牌表

起居

表東海以爲封。曾叨寵命。拱北辰之居所。庶效忠誠。

謝表

言伏蒙陛下賜臣鋪馬聖旨六道。銀字圓牌三面。臣之祖父忠宣王臣某所贊拜。賜者而藏在上司。已有年矣。今悉命之於臣。臣與國人不勝驚感。陳情謝萬一者。

聰聽必卑。天豈鶴鳴之相阻。睿恩偏重。山非蚊負之可勝。惟一國之感銘。實四方之欽慕。伏念遭逢盛朝。宿衛多年。言告言歸。雖輟趨踰之列。而康而色。每容敷奏之辭。適因賤介之還。同與先臣之賜。璽書六軸。承使命以有憑。銀字三符。報軍情而無滯。茲蓋伏遇簡臨寬御。厚往薄來。推博愛於邊氓。視同內地。記微勞於上世。撫及後昆。臣敢不率祖攸行。述侯所職。春朝秋覲。對揚天子之休。夜寐夙興。請祝聖人之壽。

陳情表

起居

承賜履於東方。庶遵箕子八條之化。望垂衣於北闕。竊效封人三祝之誠。云云。事宜陳而自默。豈人臣諒直之心。言可採而必從。是聖主包容之度。敢據愚抱庸黷聰聞。云云。體禹儉勤。躋湯勇智。簡臨寬御。啓洪業於竹苞。厚往薄來。致庶邦之葵向。伏念小邦。愛自祖宗之代。獲叨甥舅之榮。土風雖愧於中原。天幸多

逢於上國茲者榮安王大夫李氏衣冠弈葉禮義名家毓德坤元曾踐黃金之屋儲祥震索當開碧縷之門竊聞皇朝之法有所謂李兀兒者合姻婭之歡爲子孫之慶古旣如是今胡不然若蒙陛下爲大夫李氏舉盛禮之優優示殊恩之衍衍則九族感睦親之義誓永世而不忘一邦殫歸表之誠祝後天而難老

李兀兒扎宴後謝表

起居

父臨普率旁推一視之仁嬰慕聖明采貢三呼之祝

謝表

乾坤邈矣敢期呼籲之間草木微哉忽致恩榮之沐感驚交至蹈舞不知云云體禹儉勤躋湯聖敬遵祖宗之典禮雖舊維新擁廟社之休祥於斯爲盛兼屈聽卑之鑒克敦字小之仁睿言出日之邦生我倪天之妹美鍾坤順遵母儀於六宮慶毓離明固邦本於萬歲於是降濬源之貴戚馳玉節之重臣陳飲食以賜歡資金繒而將意旣醉以德爲永好於舅甥不顯其光相敬觀於夷夏臣敢不念其卵翼報以粉糜專述職於箕封每輸誠於華祝

李兒扎宴後謝皇太子殿牋

天一清地一甯適啓文明之旦星重輝海重潤誕膺監撫之權舉率土以共欣況小邦之多幸今者皇帝

陛下特降轡轡太子。定安平章等官。來錫李兒扎之宴。茲蓋伏遇皇太子殿下。學將日博。德與年豐。既陞儲位於青宮。益篤孝誠於丹扆。謂茲閏之桑梓。難比庶邦。導皇澤於雲霄。俾張嘉會。山川發勳而相慶。父老矜誇於及觀。某謹當益殫不貳之心。永祝無疆之壽。

皇太子封册賀表

起居

昔陪京輦。與霑行葦之恩。今守海藩。願獻蟠桃之算。

賀表

體元當宁。開萬世之丕圖。立長承祚。述百王之盛典。德音覃被。瑞應孔彰。云云。以乾健而簡臨。得離明之善繼。嚴尊師重傅之禮。夙著今聞。委監國撫軍之權。允孚輿望。茲蓋宗社垂祉。天人協謀。用啓祐於宸衷。爰固甯其邦本。因推廣愛之理。更布好生之仁。舉四海莫不歡欣。願三韓尤爲慶幸。伏念臣曾荷金門之通籍。久叨銅禁之侍書。奉日鳧趨。恨未參於嘉會。聆風燕賀。誠有倍於恆流。

皇太子上同牋

起居

誠劣塵微。愧乏培山之效。夢勞天遠。謾輸披霧之心。

賀牋

惟忠惟孝。允孚上帝之心。以長以賢。遂正前星之位。輿情攸屬。邦本不搖。云云。德稟川沖。學惇日就。珊瑚錫冊。永觀萬國之貞。青蓋乘車。端奉一人之慶。躬任承祧之重。意專問寢之勤。伏念早忝末寮。優承厚賚。鯁岑滯迹。未預賀班。鵠海馳誠。難禁喜淚。

謝功臣號表

起居

聞九奏於鈞天。猶尋一夢。效三呼於嵩岳。每祝萬年。

謝表

言至正十六年一月二十日。使臣等以中書都堂鈞旨。欽奉宣命而至。臣謹與一國臣寮。備禮儀出城恭迎。望闕欽受。伏讀宣命。節文授臣親仁保義宣忠。國彰嘉靖遠功臣。臣頓首拜手。神魂隕越。涕泗交頤。不

知蹈舞感激無窮者。

千載一時。欣戴自天之命。四方萬國。聳聞稀代之榮。銘膏何忘。粉身難報。欽惟云云。以簡臨下。惟精執中。率祖攸行。不怒而威。不言而信。順帝之則。所過者化。所存者神。至如草木之生成。皆是乾坤之休養。伏念爰從弱歲。獲覲清光。充宿衛於龍樓。既乏絲毫之補。襲藩宣於鰈域。亦微尺寸之功。何圖十有二字之褒。謬及百無一能之品。茲蓋伏遇記累世勤王之效。憐愚臣戀主之誠。特垂綸綍之言。用比鼎鍾之刻。臣謹富志求仁而務惠於物。身服義而願忠於君。保遠民蠢蠢之情。庶幾致於安靖。嚴上國明明之訓。敢不奉以周旋。

詔赦謝恩表

起居

北辰居所下臨析木之津東海守封上祝蟠桃之歲

謝表

乾坤洪造曲全庶物之生父母至仁旋棄癡兒之過云云乃神乃聖以簡以寬理尙無爲體舞干於大舜心敦不忍法弛罟於成湯故茲四海之康繫我一人之慶伏念幸遭盛際叨襲弊封賊子亂常殆將覆國愚臣應卒不及聞天今者伏蒙云云推視遠之明廓包荒之度揆事機之非所得已矜情實之無可奈何霹靂震之威既往不咎霈雨露之澤咸與惟新乾坤全物之生父母棄兒之過亦不足爲喻也人非木石豈不知感哉臣謹當布德音於臣庶以甯一邦修職貢於歲時無替萬世

乞退牋

臣於本月十日隨馬傷足不能坐立乞免職任者

海鼇舉首庶幾仰戴於靈山廐馬傷蹄詎可齊驅於清路肆陳畢抱庸黷亶聰伏念臣鉛槧劣能斗筭賤品濫據秉鈞之任敢忘粉身常懷覆餗之虞有若芒背果致元崇之足疾靡堪須賈之膝行呻吟衽席之間匍匐丈尋之內茲蓋才微責重福過災生遭口吻之笙簧勢難共處損筋骸於銜櫪誠合退藏伏望矜臣欲省事而養病諒臣非矯情而辭寵致令臣桑榆晚景謝軒裳之榮蓬蒿閑居收藥餌之效專祝岡陵之壽小酬天地之私

臣頃以足疾乞退伏聞又下批授依前職任加十字功臣之號不勝恐懼更乞辭免者

量能捨仁。君豈責所難。揣分行藏。賢士免罹于禍。冀回聰聽。優納謦言。伏念臣腐爛之儒。迂闊於事。智不周於衛足。已速蹶顛。誠益切於乞骸。自甘屈蟄。何擬殊尤之寵。復加庖瘠之資。臨觴之鳥魂驚。更聞金奏。伏櫪之驚力憊。却得錦幘。人將羣起而爭嘲。臣固反觀而增愧。曷以往來之連蹇。強爲揖讓之雍容。伏望吐溫然之俞音。全耄矣之殘喘。三薰三浴。拜孔光歸第之恩。一壑一邱。償宏景掛冠之志。

臣某病既彌留。再上箋乞退。今月二十五日。伏蒙上慈。特遣左副代言臣柳淑。鷹揚軍上將軍臣金鏞。就賜臣教書。不允其請。顛倒感激。夜不能寐。伏地鳴咽。更陳愚抱者。

仕而所欲。忠者主耳。苟非才空忝於恩榮。耄矣不能退。則士乎。況多病敢安於祿位。瀝誠呼籲。揆理矜從。伏念臣才爲宰相之官。病類浮圖之覺。經綸任重。嘗慙秉筆以昏昏。劍履班崇。還恐執圭而蹶蹶。分甘鼈縮。望絕鳬趨。敢思密勿之言。強起欹危之步。先以爪牙重將。臨視草廬。申之喉舌名臣。奉傳芝檢。光生闔闐。聲動縉紳。旣蒙眷遇之無前。肯慮死亡之在後。然而功微而居高者。必遭橫議。智薄而據要者。難免厚誣。雖厥疾之得瘳。尙胡顏而復進。伏望察難回之懇。憐垂盡之年。致令臣收六尺之頑軀。避賢者路。散一簪之華髮。送老于家。

臣再上箋乞退。未蒙俞允。今已旬月。病勢增加。復陳誠悃。仰黷天聽者。

葵心有切。雖知向日以獨傾。蒲質旣微。唯恐望秋而先瘁。將乞骸骨。屢陳肺腸。伏念受知德陵。而靡有寸能。逮事肅禰。而亦無毫補。蚤緣盛際。累蒙衛鶴之榮。僂俛餘生。庶效隋蛇之報。顧精神之昏耗。由老病之

連綿。豈宜竊位而忘羞。不亟避賢而謝事。外戚如洪冢宰。勇退中年。邊功若廉元戎。屈居下坐。孰謂七旬之癡漢。合爲一國之重臣。徒然違禮法之明文。所以致朝廷之衆謗。伏望優納懇辭。俾從初服。則臣迹常留於輦轂。休歌曄曄之紫芝。夢亦想於冕旒。能賦猗猗之藁竹。

乞免書筵講說。舉贊成事安軸密直副使李穀自代牋。

伏以致敬盡禮。人君乃能得師。推賢讓能。臣子所以輔主。臣頃承綸命。久侍書筵。舉止迂疎。而未足以格非。見聞鹵莽。而無益於取正。臣猶知愧。孰不忍欺。而況素髮蕭條。元花掩翳。耳類許丞之重聽。臂同杜子之偏枯。眷戀軒墀。苟不收桑榆之晚景。顛擠溝壑。恐難保松柏之歲寒。切見僉議贊成事安某密直副使李某。清介無華。端方有守。失一學問高於東方。才名動於上國。擇於二俊。替此一愚。重席談經。彼得贊右文之化。閉門謝事。臣何忘優老之恩。

益齋亂藁卷第九上

有元贈敦信明義保節貞亮濟美翊順功臣太師開府儀同三司尚書右丞相上柱國忠憲王世家。謹按本國世代編年。太祖姓王氏諱建字若天。考金城太守諱隆妣韓氏。唐僖宗乾符四年丁酉正月丙戌。生於松岳南第。生而聰明。器度雄深。包濟世之量。昭宗乾甯三年丙辰。年二十。始仕泰封王。弓裔爲鐵原京太守。屢立大功。遷水軍將軍。波珍餐侍中。位冠百僚。弓裔縱虐嗜殺。梁貞明四年三月。騎將裴玄慶。洪儒。卜智謙。申崇謙等四人詣王之私第。議曰。今弓王無道。惡浮桀紂。吾輩所以會此者。欲公救民耳。王變色固拒之。諸將曰。天與不受。反受其咎。當今德望。靡有居公之右者。豈可違天命。受制於獨夫之手乎。夫人柳氏在帳中。出曰。舉義代虐。自古有之。今聞諸將之言。妾猶自奮。況大丈夫乎。手提甲以被王身。諸將扶擁而出。令人前行呼曰。王公已舉義兵矣。國人先至宮門。鼓噪而待者萬計。弓裔聞之。微服遁於巖谷。爲斧壤民所害。是日王卽位於布政殿。國號高麗。二年。都松岳郡。十八年。新羅王金傳請入覲。其國臣庶皆隨之。車騎連亘三十餘里。十九年正月。百濟王甄萱爲其子神劍幽於金山佛寺。逃奔錦城。請入朝。及至。待以厚禮。王親率三軍。與神劍戰於崇善城。斬之。緩轡徐行。至百濟王都。慰撫曰。元凶已滅。赤子何辜。百姓大悅。九月。還受百官朝賀。親制政誠一卷。誠百寮詩八篇。信書十條。垂戒後嗣。永爲龜鑑。二十二年。晉帝遣國子博士謝攀等冊王爲開府儀同三司。檢校太師。玄菟州大都督。高麗國王。二十六年夏五

月丁酉薨。子惠王立。諱武。字承乾。相表奇偉。膂力絕倫。每從太祖征伐四方。執弓帶劍。先導後衛。與士卒同甘苦。百濟之戰。奮勇先登。大破之。晉天福八年五月。奉遺命卽王位。三年九月戊申薨。弟定王立。諱堯。字義天。四年三月丙辰薨。弟光王立。諱昭。字日華。卽位之初。以禮接下。恤孤寒。重儒雅。夙夜惟寅。刑政不濫。六年。令百官衣冠從華制。九年五月丙申。命翰林學士雙冀知貢舉試。得甲科進士崔暹等。科舉之興。始此。二十六年五月甲午薨。子景王立。諱佑。字長民。溫良仁厚。不好嬉遊。旣卽位。悉取前朝所受讒訴之書焚之。中外大悅。六年七月丙午薨。成王立。諱治。字溫古。太祖之孫也。宋太平興國六年七月。景王寢疾。引入臥內。執手囑國事。景王薨。王卽位。九年六月。令職在言責者。事有不合於理。當須固執確論。五品以上。各言時政得失。民間利害。十一年五月。命五品以上各舉賢良。所舉者德行才術具疏名下。十六年十月。二月二十七日薨。穆王立。諱誦。字孝仲。景王長子。成王愛如己子。契丹統和十五年十月。受成王禪。卽王位。十二年二月。康兆反。三月十三日。王薨。顯王立。諱詢。字安世。太祖之孫也。穆王無子。寢疾。遣皇甫愈義迎立之。放前代宮女百餘人。罷教坊。壞池苑。放禽獸。元年十二月。契丹帝討康兆。執歸誅之。二十三年夏五月辛未薨。子德王立。諱欽。字元良。三年九月癸卯薨。弟靖王立。諱亨。字中昭。十二年五月丁酉薨。弟文王立。諱徽。字燭幽。十五年三月。謁文宣王廟。二十二年九月甲申。中書令崔冲卒。諡文憲公。冲以門下生徒分爲九齋。曰樂聖。大中。誠明。敬業。造道。率性。進德。大和。待聘。自公卿適庶下至州縣舉子。皆隸名籍中。以習聖人之道。文物由是益盛。三十七年七月丁酉薨。子順王立。諱勳。字義恭。服喪哀毀過禮。因得疾。十

月二十三日薨。弟宣王立。諱運。字繼天。十一年五月壬寅薨。子獻王立。諱昱。二年八月以病讓位於叔父雞林公。明年二月甲辰薨。肅王立。諱顥。字天常。文王第三子也。幼而聰慧。長而孝敬。博通經史。勤儉果斷。文王寵愛之。常曰。後之復興宗國者。其在汝乎。始封爲雞林公。遼壽昌元年十月庚午。受獻王禪。卽王位。十一年十月丙寅薨。子睿王立。諱俱。字世民。三年七月。親釋奠於文廟。四年秋七月。始爲國學試。試取大學崔敏庸等七十人。武學韓子純等八人。分處七齋。周易曰麗澤齋。尙書曰待聘。毛詩曰經德。周禮曰求仁。戴禮曰服膺。春秋曰養正。武學曰講藝。十六年六月大旱。開清譙閣。命起居舍人林存講詩雲漢。學士朴承冲講書洪範。得雨。十七年夏四月甲午薨。子仁王立。諱楷。字仁表。性仁孝寬慈。好學問。多才藝。敬師傅。禮臣寮。睿王及王后尤所鍾愛。四年。國舅李資謙與平章事卓俊卿作亂。知茶房事崔思全。兵部尙書金瑬。以義諭俊卿。俊卿感悟。擔王於肩。仗劍一呼。資謙之徒瓦解。王登廣化門樓。軍民瞻望。懽呼聲動天地。十一年五月。蝗蟲食松葉。王諭羣臣曰。京房曰。食祿不益聖化。天亦以蟲之無益於人而食萬物者。予以不明。用非其人。苟聞昌言。安敢不從。其有公清正直節義可尊者。具以名聞。將陟而勸之。貪求冒利。暴戾殘賊者。勿論親疎貴賤。以其罪聞。將黜而戒之。自是月不雨。至秋七月。王如奉恩寺。禱雨於太祖眞。得大雨三日。二十四年二月丁卯薨。子毅王立。諱暉。字日新。二十四年八月。鄭仲夫反。與諸將官殲朝臣。王遜於巨濟。弟明王立。諱皓。字之旦。三年。大僕卿金甫當全州牧使裴純祐等。謀舉兵以迎前王。不克皆死。仲夫遣李義旼候前王。十月一日前王薨。九年。大將軍慶大升斬仲夫及黨與。前朝逆臣皆伏辜。唯義旼

逃以免。二十七年。遜位於弟欒浪公。至五年十一月薨。神王立。諱暉。七年正月丁丑薨。子熙王立。諱諤。字不坡。爲世子。常開經筵。與寮友講經史。四年十月乙亥。饗國老庶老孝子順孫義夫節婦鰥寡孤獨篤疾廢疾。賜物有差。七年十二月。郎中王濬明謀誅崔忠獻。不克。是月王遜於喬桐。至高王二十五年八月戊子薨。康王立。諱祺。字法柱。明王元子。二年八月九日薨。子高王立。諱曦。字大明。實忠憲王。以金明昌三年春正月十八日生。崇慶元年七月二十三日。冊爲王世子。加元服。王天姿慈祥。謹厚。不妄言談。嘗受學於名儒俞升旦。留心經史。初。晉康侯崔忠獻自明王時專國。至是凡二十四年。子晉陽公孫怡繼政。三十二年。子晉平公孫沅。孫誼。又相次繼之。擅廢立。作威福者四世六十年。王小心守法。進退以禮。故權臣雖跋扈。莫敢凌也。元年。大蒙古太祖成吉思皇帝舉兵攻金。金人大敗。二年。燕民餉天兵之留守者。醉而殺之。有遼之遺種金山王子金始王子等。乘釁而起。自稱大遼收國王。以鵝兒乞奴爲□□□掠中原人民。以拒天兵。請地及兵於我。□□□丹兵遂闌入我疆。保江東城。王令左僕□□□閣學士趙冲。上將軍金就礪等。將兵禦□□□十二月。成吉思皇帝遣元帥哈真。副元帥扎剌稱。蒙古國行尙書省。與東真國大將完顏子淵。討金山王子等。時天甚寒。大雨雪。糧餉不至。丹兵據險堅壁。以待其疲。哈真遣使者十二人。與我德州進士任慶和偕來。投書於我。欲與共滅丹賊。結爲兄弟之國。王敕趙冲就礪等。出兵轉穀。合力破賊。就礪至軍中。哈真等使通事趙仲祥語之曰。果與我連和。宜先遙禮蒙古皇帝。次則又禮萬奴皇帝。就礪曰。天無二日。民無二主。天下安有二帝。遂禮蒙古皇帝。而不拜萬奴。哈真等大奇之。又見就礪狀貌奇。